

SURMEIR: teir campester 2019

Treis veterans segl podest

G.N.S. L'elita da teir da nossa regiun è neida dominada digls veterans tar igl teir campester dalla davosa fegn d'emda. Sen la distanza da 300 meters ò Franco Ardüser tratg igl pi ferm e sen la curta Michael Klein.

An Svizra èn 129 843 tiradours e tiradouras sa participos agl teir campester 2019. Chegl èn 2519 dels duple tgi anc avant en onn. Aint igl Grischun è igl domber sa redutgia per 89 participants a 3132 tiradours e tiradouras. Digl domber total èn digl reminent 272 donnas tgi on sagetto igl campester sen las dus distanzas. An Surmeir on 206 persungas catto la veia a Crappa Naira, Cunter e Tinizong per sa patricipar alla pi gronda occurrenza da teir digl mond. Vurdo naziunal ègl do sen la distanza da 300 meters 39 maximums (seis er da tiradours grischuns). Remarcabel è bagn tgi David Solèr, igl gioven da 24 onns da Castrisch ò fatg chest onn igl maximum da 72 puncts, scu gio igl 2018 er.

Sagond plaz per Enrico Cola

Sen la distanza curta on 17 tiradours svizzers sagetto 18 dieschs da fi a. Aint igl Grischun è betg reuschia ad en participant da far igl maximum sen chella distanza. Tschintg participants on mantganto igl maximum da 180 puncts angal per en punct. Egn da chels è Enrico Cola da Casti, tgi stat a Glion. Sen camp cantunal è igl pulicist da 57 onns nia sagond da total 1067 participants tgi on sagetto cun la pistola da militer igl program digl campestersen la scheba da diesch.

Adegna puse tar igl teir campester

Tar igl teir campester è bel tgi savens dattigl surprisas. Ena raschung è tgi lubia da sa participar all'occurrenza è angal cun armas da militer, damai sainza armas da sport. Cotras ò mintgign las mademas premissas ed igl tiradour tgi ò anc en po cletg vign magari sen 72 puncts. Gudagnea igl teir campester sen la distanza da 300 meters ò an nossa regiun Franco Ardüser da Lantsch. El totga betg tar l'elita da teir an Surmeir, dantant è igl vetrinari tuttegn egn digls ferms tiradours tgi vagn. Segl sagond post è cun Guido Janett da Tinizong rangada ena «golp viglia». Cun sies 71 onns è el la davosa fegn d'emda betg sa participo per l'amprema geda agl teir campester. Guido ò ple u manc gudagnea tot chegl tg'è pussebel aint igl teir, cun el esser sto decennis egn digls miglers tiradours da nossa

regiun. Fatg 68 puncts scu Guido Janett er, ò Markus Peng da Filisour. Igl 2004 ò igl anteriour scolast secundar schizont fatg tar igl campester igl maximum da 72 puncts.

Chegl dattigl angal tar igl teir campester

Agl teir campester sa participeschan gist plessas generaziuns. Chegl è er tar nous igl cass. Uscheia ò per exaimpel Luzi Cadosch da Casti (annada 1940) tratg tar igl teir campester ed igl sies beadi Jan Cadosch da Mon (annada 2006) er. Tat e beadi on sagetto 58 puncts, fatg la medaglia e stos rangos egn davos l'oter (beadi 95avel ed igl tat 96avel). Dalla parteida è er sto Gino Ardüser da Casti (annada 1977) cuagl igl sies feagl Gian Ardüser (cun l'annada 2007 igl pi gioven participant). Bab e feagl on miro precis cun 66 puncts e cun 65 puncts, detg oter plaz 15 e plaz 17 da total 150 tiradours.

Resultats 300 meters

1. Franco Ardüser, Lantsch, 69 puncts, 2. Guido Janett, Tinizong, 68 puncts, 3. Markus Peng, Filisour, 68 puncts, 4. Peter Hunger, Mot, 68 puncts, 5. Urs Brazerol, Farrera, 68 puncts, 6. Claudio Brazerol, Farrera, 68 puncts, 7. Armando Janett, Tinizong, 68 puncts, 8. Leandro Sciarini, Farrera, 68 puncts, 9. Domenic Jäger, Beiva, 67 puncts, 10. Benno Gruber, Farrera, 67 puncts, 11. Renato Gruber, Farrera,



Tat e beadi, Luzi Cadosch e Jan Cadosch, tots dus on fatg 58 puncts e la medaglia la davosa fegn d'emda tar igl teir campester.

67 puncts, 12. Roger Janett, Tinizong, 67 puncts, 13. Hans Rudolf Stettler, Casti, 66 puncts, 14. Karl Widt, Farrera, 66 puncts, 15. Gino Ardüser, Casti, 66 puncts, 16. Marcel Buchli, Solas Soura, 66 puncts.

Resultats 25 meters

1. Michael Klein, Tinizong, 174 puncts, 2. Domenic Buschauer, Filisour, 171 puncts, 3. Claudio Brazerol, Farrera, 169 puncts, 4. Curdin Nicca, Savognin, 169 puncts, 5. Carlo Klein, Tinizong, 168 puncts.



Franco Ardüser gudogna igl teir campester an Surmeir sen la distanza da 300 meters.



Da Surses è Guido Janett sto igl migler participant.